

書

中州已集第六

馮內翰璧二十五首

王內翰若虛三十八首

麻徵君九疇二十四首

劉御史從益三十三首

宋內翰九嘉二十一首

雷御史淵二十九首

李右司獻能二十首

王右司渥二十一首

冀都事禹錫二首

馮內翰璧

璧字叔獻別字天粹承安二年進士歷州縣召入翰林再為曹郎宣宗朝屢以使指鞠大獄權貴如歸德知府宿州總帥聲勢焰焰朝廷知其跋扈而不能摧伏者叔獻以法臨之毛髮不貸也幼有重名就所長論之館閣

臺諫與賓客言乃其選也徒以小心奉法不畏強禦故  
屢以城旦書屈之識者有用違其長之嘆與定未以同  
知集慶軍節度使事致仕居崧山龍潭者十餘年諸生  
從之游與四方問遺者不絕賦詩飲酒放浪山水間人  
望以為神仙焉山中多蘭每中春作華山僧野客八持  
數本詣公以香韻高絕為勝少劣則有罰謂之聞蘭所  
釀松醪東坡所謂歎幽姿之獨高者惟叔獻能盡之客  
有以京國名酒來與之投者味殊不能近正如深山草  
衣木食人語覺傭兒販夫塵土氣為不可嚮也是後松  
醪聞蘭遂為山中故事叔獻少日在太學賦聲籍甚其  
學長於春秋詩筆清峻似其為人字畫楚楚有魏晉間

風氣雅為閑閑公所激賞制誥典麗當代少見其比尺  
牘又其專門之學風流蘊藉不減前世宋景文左丞董  
公紹祖奉使江左得其詩餞行喜見顏間詩四韻每誦  
一句輒為一舉觴李右司之純談笑此世為不足玩見  
叔獻則必為之懽然王延州從之公於鑒裁為海內稱  
首敬其名德至不敢以同年生數之北渡還鄉里年七  
十九終於家碑云所謂氣有君子受者三謂量氣與量備  
而才之行謂與存焉本乎行氣量而絕出乎行氣量  
之上行謂與存焉本乎行氣量而絕出乎行氣量  
位而重不者艾閱而尊是故為天地之眾歷數十器造物者  
之一不輕以予人閱而尊是故為天地之眾歷數十器造物者  
之二見之同乎其時非無孤特偉傑之士傲容於禮文  
之或角逐乎功名之地唯其俗不可為士雅劣不可禮文  
為勝故雅俗而舉世以王佐許之無聞而當時未必適用  
律坐鎮雅俗而舉世以王佐許之無聞而當時未必適用

然千載而下有爲之歛社者非品何以得之此子渭字  
光正大以來天下大夫士論公平生者蓋以此子渭字  
清甫以門資叙仕爲密院機察清慎而文天下有馮孝  
子之目今居鎮陽

同裕之再過會善有懷希顏

寺元魏雜宮十日來九兩前與驕卿偕齋奠少林往其  
時已薄暮諸勝不暇訪今同魏諸孫再到風煙上寺僧  
導升殿雄深肅瞻仰柱礎門限砧追琢成大壯不見磨  
琢痕瑩滑明晃朗摩挲三嘆息後世無此匠晚登西南  
亭碧玉對千丈如王官天柱如太華仙掌留宿贊公房  
秀色夢餘想夜靜耿不眠泉溜琴筑響惜驕今不來聯  
詩共清賞

和希顏

虎守天門未易通庾塵無扇障西風主人何負盜憎主  
公論不明私害公老伏固非千里驥冥飛似是五噫鴻  
紛紛往事渠知幾都付松巔一笑中

送國整儀

師顏企賢得請歸閑中次朝賢韻

心平窮富恐欺天面有陰功蓋有年歸去青山仁者樂  
秘來丹訣老而傳尚鑿冗食渠百草公論共推君卜全  
技道精微仍遠引就非輕舉亦幾仙

河山形勝圖

書劍丁年記昔游中條之麓過蒲州地形西控三秦遠  
河勢南吞二華秋晉魏兵爭一春夢漢唐壇祀幾荒丘

披圖吊古今人既不必重登鶴雀樓

維帥覓蘭作詩以寄

雲挿高牙畫戟森春移寶檻燕堂深水南紅藥初退舍  
嵩麓紫蘭今詞音重足顏有坐香累高梁華棟豈渠心使  
君有問花應語玉樹誠佳非故林

明皇擊梧桐圖

三郎耳譜趣花奴風調才情信有餘天寶錯來非一拍  
霓裳中節亦區區

送人出使

陽春有脚蕪疲瘵水鏡無心照潔汙九道澄清天意切  
人才一一似君無

習池醉歸圖

襄漢方屯十萬兵習池日往不曾醒紛紛悞晉皆渠輩  
何獨王家一寧馨

東坡海南亭茶圖

講筵分賜密雲龍春夢分明覺亦空地惡九鑽黎洞火  
天游兩液玉川風

陰晦中忽見華山

吏部能開衡嶽雲坡仙曾借海宮春蓮峰清曉忽自獻  
二公何人予何人

草堂春暮橫披

遷客倚樓家萬里五陵飛鞚酒千金草堂澹與春山對

幽鳥一聲春已深

元光閒予在上龍潭每春秋二仲月往往與元  
雷游歷崧少諸藍禪師汴公方事叅訪每相遇  
輒揮毫賦詩以道閑適之樂今猶夢寐見之兒  
子渭近以公故抵任城禪師附寄詩以叙疇昔  
未幾駐錫東庵因造謁閒出示裕之數詩醉筆  
縱橫亦略道崧遊舊事感嘆之餘漫賦長句音  
性理諸方已徧叅歸來一錫駐東庵山中蓮社舊招隱  
旅舍阿戎新對談詩筆如君僧有幾文章媿我老無堪  
綾書大字拈香疏須起微之酒半酣少林脩竹欲天叅  
竹外幽閑草結庵顧我雖存唯白髮與君曾比共玄談

干戈橫絕境猶夢草樹荒殘人豈堪  
鵬羗松醪睡莫預  
商歌悲壯不能酣

雨後看竝玉所控諸峯

竝玉如高人壁立九千仞一日不見之令人生鄙吝  
春深木葉敷秀色益濡潤結茅寄僧藍晴碧時得趣老宿  
詫孫峯隅待到齧齒連延青一色枚數須諦認溟濛空  
翠間我亦疑未信朝來雲氣昏埋沒瑜匪瑾如蒼梧政  
愁湘妃鬱思舜重陰俄解駁憲澍夕暉襯娟娟忽層出  
歷歷分遠近雲峰玄吞吐千狀纔一瞬出奇如孫吳相  
降如簾閣如衆星拱辰如侯伯入覲接武如朋簪承迎  
如介儂負固如吳楚爭長如齊晉怪詭如夷蠻駢羅貢

琛贖窘蹙如擒獲係纍將就累如應龍神靈蟄卧時奮  
迅如天駟超軼坳牧稅羈勒如雄對改容失筋駭疾震  
如猛士無譁攢槊俟嚴陣獨兩峰巍然魁傑儼崇峻光  
輔岳柱天鬱為中興鎮降生申與甫周室債復振詩傳  
配崧高百世磨不磷

同希顏怪松

崧高地氣靈花木競妍秀玉峰西南趾有松獨怪陋偃  
蹇如蟠螭奮迅如攫獸葉勁須鬚張皮古鱗甲皴菌蠢  
藤瘦怒支離筍節瘦月上虬影搖風度雨聲驟子落慰  
枯禪枝樛礙飛馳盤根萬乘器平蓋千歲壽樵斤幸免  
尋屢匠矧肯構龍化會有時天旱期汝救

王內翰若虛

若虛字從之棗城人承安二年經義進士少日師其舅  
周德卿及劉正甫得其論議為多博學強記誦古詩至  
萬餘首他文稱是善持論李屏山杯酒間談辯鋒起時  
人莫能抗從之能以三數語窒之使噤不得語其為名  
流所推服類此釋褐鄜州錄事歷門山令入翰林自應  
奉轉直學士居冷局十五年崔立之變群小獻諂為立  
起功德碑以都堂命召從之從之外若遜辭而實欲以  
死守之時議備焉北渡後居鄉里癸卯三月東游與劉  
文季輩登太山憇於黃峴峰之萃羨亭談笑而化時年  
七十從之天資樂易負海內重名而不立厓岸雖小書

生登其門亦折行輩交之滑稽多智而以雅重自持謀  
事詳審出人意料人謂從之於中外繁劇無不堪任直  
以投閑置散故百不一試耳自從之沒經學史學文章  
人物公論遂絕不知承平百年之後當復有斯人不也  
子恕字寬夫

據憤

非存驕蹇心非徼正直譽浩然方寸間自有太高處平  
生少諧合舉足逢怨怒禮義初不愆謗訕亦奚顧孔子  
自知明桓魋非所懼孟軻本不逢豈爲臧氏沮天命有  
窮達人情私好惡以此常泰然不作身外慮

贈王士衡

王生非狂者乃以善哭稱每至欲悲時不聞醉與醒音  
詞初則愴涕泗隨縱橫問之無所言坐客笑且驚王生  
不暇卹若出諸其誠嗟我與生友此意猶未明絲染動  
墨悲麟亡傷孔情韓哀峻嶺陟阮感窮途行涕流賈太  
傅音抗唐衢生古來哭者多其哭非無名生其偶然歟  
何苦摧神形如其果有為爲爾同發聲

貧士嘆

甌無塵瓶無粟北風蕭蕭吹破屋入門四顧何悲涼  
稚子佻眉老妻哭世無魯子敬郭元振之真丈夫故應  
餓死填坑谷蒼天生我亦何意蓋世虛名食不足爭如  
只使冗且愚大腹便便飽梁肉



感秋

西風撼庭柯疎葉鳴策策天地一蕭條羈懷亦岑寂青  
春况如昨轉盼年半百自從長大來轉覺日月迫功名  
非所慕老大不足恤怛然感時心自亦不能釋清晨短  
髮已見數莖白刀鐸雖可施殆似兒子劇此身委蛻耳  
毀棄無足惜况於毛髮間而乃強修飾青青如陸展星  
星行役出畢竟白蒲頭復將何所摘

生日自祝

空囊無一錢羸軀兼百疾况味何蕭條生意渾欲失清  
晨聞喧呼親舊作生日我初未免俗隨分略修飾舉觴  
聊自祝醉語盡情實神仙恐無從富貴安可必脩短卒  
同歸何足喜與戚一祈粗康強二願早閑適衣食無大  
望但要了晨夕萬事不我攪一心常自得優游終吾身  
志願從此畢

失子

妍妍掌中兒捨我一何遽其來誰使之而復奄然去平  
生三舉子隨滅如朝露顧我能無悲其如有天數自從  
學道來衆苦頗易度有後固所期誠無亦何懼人生得  
清安政以累輕故婚娶眼前勞託遺身後慮百年曾幾  
何爲此雛推悞顧語長號妻此理亦應諭

憶之純三首

幼歲求真契中年得常人傾懷當一面投分許終身燈

火談玄夜鷲花逐勝春何時重一笑曾次欲生塵  
面日三年隔音書萬里遙宦途俱蹭蹬日事各蕭條志  
大謀常拙身孤道易消本無當世用隱處會相招  
雋氣輕天下高情到古人銜杯曼卿放下筆老坡神時  
論誰優劣人材自屈伸窮愁須理遣不必淚沾巾

復寄二首

志大言高與世違拂衣真作竹林歸黃塵道口風波惡  
未必先生自處非  
自笑趨塵亦強顏食謀未免敢言閑紫芝果可充飢腹  
從子玉屏巖石間

病中一首

學道今何得謀生久不成藍衫幾棄物絳帳亦虛名事  
拙應天意交踈即世情煩憂時自解感觸又還生  
鬱鬱窮愁意營營久病身詩情渾欲減藥物但相親未  
得驅窮鬼終須問大鈞三時勞慰拊甚愧故人真

感懷

枉却全家仰此身書生那是治生人百憂耿耿填骨髓  
強作歡顏慰老親

自笑

酒得數杯還已足詩過兩韻不能神何須豪逸攀時傑  
我自世間隨分人

別家

到了身安是本圖何須身外覓浮虛誰能置我無飢地  
却把微官乞與渠

慵夫自號

身世飄然一瞬間更將辛苦送朱顏時人莫笑慵夫拙  
差比時人得少閑

西城賞蓮呈晦之晦之自号放公

舊賞回頭已隔年高花又見出新妍偶成濁酒狂歌會  
恰及斜風細雨天樂事適來偏有興閑身常得分無緣  
作詩莫怪多誇語差比放公先着鞭

題淵明歸去來圖五首此下皆中年所作

靖節迷途尚爾賒苦將覺悟向人誇此心若識真歸處

豈必田園始是家

孤雲出岫暮鴻飛去住悠然兩不疑我自欲歸歸便了

何須更說世相遺

拋却微官百自由應無一事掛心頭銷憂更籍琴書力

借問先生有底憂

得時草木竟欣榮頗爲行休惜此生乘化樂天知浪語

看君於世未忘情

名利醉心濃似酒貪夫衮衮死紅塵折腰不樂翻然去

此老猶爲千載人

翰長閑閑公命題城南訪道圖戲作二詩且

爲解之云

得道由來不必勞  
癡兒舍父謾逍遙  
閑閑老子還多事  
時向招提打一遭

竹木蕭森蔭綠苔  
幽襟自愛北軒開  
主人無說吾何問  
乘興而來興盡迴

荅鄭下辨禪師見戲代防禦高侯

酒肆淫房總道場  
偶然游戲亦何妨  
阿師自墮泥牛趣  
更笑春風柳絮狂

還家五首

日日他鄉恨不歸  
歸來老淚更沾衣  
傷心何啻遼東鶴  
不但人非物亦非

荒陂依約認田園  
松菊存亡不足論  
我自無心更懷土  
不妨猶有未招魂

山杏溪桃化棘榛  
舞臺歌榭墮灰塵  
春來底事堪行處  
門外流鶯枉喚人

回思夢裏繁華事  
幸及當年樂此身  
閑立斜陽看兒戲  
憐渠虛作太平人

艱危嘗盡鬢成絲  
轉覺謹華不可期  
幾度哀歌仰天問  
何如還我未生時

山谷於詩每與東坡相抗  
門人親黨遂有言  
文首東坡論詩右山谷之語  
今之學者亦多

以為然漫賦四詩為商略之云

絕足由來不可追  
汗流餘子費奔馳  
誰言直待南遷後

始是江西不幸時  
信手拈來世已驚  
三江衮衮筆頭傾  
莫將險語誇勅敵  
公自無心與物爭  
戲論誰知出至公  
蝻蟬信美恐生風  
奪胎換骨何多樣  
都在先生一笑中  
文章自得方為貴  
衣鉢相傳豈是真  
已覺祖師佞一着  
紛紛嗣法更何人

王內翰子端詩近來陡覺無佳思  
縱有詩成似樂天  
其小樂天甚美漫賦三詩為白傳解嘲

功夫費盡謾窮年  
病入膏肓豈易鑄  
寄語雪溪王處士

恐君猶是管窺天  
東途西抹闕新妍  
時世梳粧亦可憐  
人物世衰如鼠尾  
後生未可議前賢  
妙理宜人入肺肝  
麻姑搔背豈勝便  
世間筆墨成何事  
此老曾中自一天

麻徵君九疇

九疇字知幾莫州人  
三歲識字七歲能草書  
作大字有及數尺者  
故所至有神童之目  
章廟召見問汝入宮殿  
中亦懼怯否對曰君臣  
父子也子寧懼父耶  
上大奇之弱冠住太學  
有聲場屋間南渡後  
讀書北陽山中其詩  
書空山裏落胡依巖  
坐山鬼語夜半怪我  
始以古學自非巢由  
又云壯士半凋落鐵  
花繡吳鉤

力博通五經於易春秋為尤長少時有惡疾就道士學  
服氣數年疾遂平又從宛丘張子和學醫子和以為能  
得其不傳之妙大率知幾於學也專故所得者深飢寒  
勞苦人所不能堪者處之怡然不以累其業也嘗為鄆  
城張伯玉賦透光鏡欽叔傳之京師趙禮部大加賞異  
貼壁間坐卧讀之興定末府試經義第一詞賦第二省  
試亦然簾試以脫悞下第知幾先有才名又連中甲選  
天下想望風采雖牛童馬走亦能道麻九疇姓名正大  
三年右相侯蕭公趙禮部連章薦知幾可試館職乃賜  
盧亞榜第二甲第一人及第授太祝權太常博士應奉  
翰林文字知幾資野逸高蹇自便與人交一語不相入

則逕去不返顧自度終不能與世合未幾謝病去作詩

工於賦物如夏英公篆韻其詩云千狀萬態如庖義

上書繁如神農日中市園如逆有娥乙鳥外方如姜源石

人履傾如怒觸不周山遡如逆上燕蟲叢水積如女媧石

未煉碎如昆吾瓦經毀蚩尤旗張尾後曲黃帝鼎成足

下峙五丈車斷禹弋九日橫天落羿矢流繁不去龍

垂鬃銜書忽來鳳梳鬣未必然賴君注擇車南指一及手

植檜印章等詩可見也字畫正書八分皆有功詩取其

所長少時猶失持擇近詩精深峭刻似其為人他文不

及也明昌以來以神童稱者五人太原常添壽四歲作

詩云我有一卷經不用筆寫成展開無一字晝夜放光

明合河劉滋文榮六歲有詩云鸞花新物態日月老天  
公劉微伯祥七歲被旨賦鳳凰來儀新恩張漢臣世傑

五六歲亦召入賦元妃素羅翳畫梅云前村消不得移  
向月中裁其後常隱居不出餘三人者皆無可稱道獨  
知幾能自樹立一日名重天下者舊如閑閑公且以徵  
君目之而不名也壬辰歲遇亂卒年五十平山常仲明  
之子德葬之小商橋傍近趙莊

賦伯王透光鏡

太陰淪魄元不耀太陽分光成二曜嗚呼怪銅盜此幻  
透影在壁與背肖奩開燿燿光走庭劃如刺犀乍脫鞘  
泓澄秋落百文潭疑有龍向天門跳秦娃漢婉化鴛土  
寵雨恩雲埋鳳詔當年椒塗鑑桃李身後泉臺映蓬藿  
枕簟無情草木香笙歌不暖梟狐嘯髑髏一醜不再妍

不知持此將安照萬斛珠璣委備人喚得偷兒成鬼剝  
借問金椎一控時何如海上青蠅吊壽如金石佳且好  
此銘此篆兩奇峭今誰子後曩誰先贏得細樞經蟻窠  
千古繁華一夢醒恍然入手稱神妙丹砂紫翠羽青萬  
金難買人少年君侯新自洛陽來玉臺人物今溫嶠相  
看大笑古人癡收鏡入奩還自笑

跋范寬秦川圖

山水人傳范家筆畫史推尊爲第一揭來因看秦川圖  
天下丹青能事畢大山巖巖如國君小山鬱鬱如陪臣  
大石盤盤社與稷小石落落土與民一山一形似爭長  
一石一態如布軍想君曾中有全秦見鍊削鍊鍊乃貞

掌上長安近於日千樹萬樹生青春憶昔岐山鳳皇語  
葱蔥柝械霑新雨昆夷束手密須降不見功勳見歌舞  
黃金鑄牛西入焚五丁雲棧通中國驪山宮闕九天高  
六處羸王走銜璧不信詩書信法家關東半被魚書惑  
盡卷圖籍亦大好五十年兇都一掃章邯董翳舉如毛  
沐猴冠委金陵道北原兵自天而下漢室傾頽如解瓦  
祁山六出縱無功渭水猶堪飲君馬螭蟠老将骨未朽  
草付那能濟陽九技癢投鞭抵歲星歸來鹿死何人手  
神武空矜賀六渾投機常落周人後竟令馮翊歎沙邊  
東風一夜吹新柳侵尋卓角相料理拋擲龍津浮沐水  
鵠頭過處已非隋不覺晉陽人姓李華清高宴曼宮梧  
舞馬如何護兩都縱得青驪還蜀道肉得沙場白骨無  
興亡自取不足吁可憐神州為盜區貪徵徃古山川事  
忘却題詩賞畫圖

松筦同希顏欽叔裕之賦

犧尊青黃災木命羈絆剪剔傷馬性折松為筦得之天  
此君幸免牋殘橫初綠形似有代無不料奇功乃差勝  
人間斤斧不須勞坐中活火鳴笙簫千秋熟骨養霜雪  
一日奮鬣翻雲濤巖烟繫拂殷雷起顛風蹴踏銀山高  
莫嫌勺水懦無力如捲二江都一吸借汝歲寒姿扶我  
衰朽質掃除幻夢不到眼洗刷埃霾下曾瞻捫霞直與  
羨門期一笑桑田海波白



竹瘦冠為李道人賦

東方有物字豐隆以鳴為嘒驅群龍萬頭濺濺囚凍窟  
欲出不出愁天公迴寒作煖出一噫黑帝不敢藏昆蟲  
所以獨為六字長揮斥元氣周神功車轟鼓震頃萬里  
六甲雲風隨喚起四陰用事合收聲猶奮狂陽鳴不已  
號令非時遭物玩草木不凋花再蕾惱得司秋訴帝閣  
漏泄機緘法當死天公大怪下桎梏推落車中墮巖谷  
非程非馬亦非人化作蒼葭一枝竹勁氣剛風難透銷  
夜聞風雨猶蕭蕭聳身直上三千尺天公又怪干雲霄  
鬼壓神縛不聽出只見白雲鎖三日雲散唯餘青屈盤  
頤隱於臍變仙質道人真是萬物盜斫取為冠就天巧

秋霜爭敢上頭顱常與春風同醉倒此冠固奇惜未大  
有冠獨在方之外日月為藤織四時烟霞為擘綿千載  
天潢絕漢梁虛碧北斗旋衡簪沆瀣不隨脂粉侶後倪  
不逐風霜陪獬豸一任旋乾復轉坤頭上峩峩終古在  
欲作擅那施此冠不識先生若為戴

彈琴懷山中人

門前雪垂垂室中理朱絲手按十三徽心飛天一涯故  
人渺何許萬里驚鴻飛試憑朱絲語一聲聲亦悲一彈  
雪欲落再彈雪正作只在此山中故人今憂樂我欲彈  
文王岐山雲渺茫我欲鼓曾子無田可耘耔道遠望不  
及千山復萬水思君復思君正恐須臾后夔若不來

柰此宮商何春風早晚起百鳥喧庭柯時携一尊酒爲君奏雲和

夏日

亭柯碧合龍蛇影睡起輓轡鳴曉井一簾曉雨捲不晴  
槐花滿地黃金冷屈指西風又到門相思團扇欲生塵  
何時萬戶垂楊裏高揖金鞭逢故人

牛嘆

誰憐宿料一生無身後仍遭金十奴帷蓋却教蒙狗馬  
不知何事負農夫

清明

村村榆火碧烟新拜掃歸來弟四辰城裏看家多白髮

遊春總是少年人

暮春山家二首

山煙向晚白濛濛人過梨花樹底風一犬不鳴村徑黑  
野燈孤起遠林中

語闌壯氣欲消磨柰此青燈未夜何壁上取琴彈一曲  
不知天外落銀河

手植檜印章

梁折山摧入小成日華留得寸暉明不盈一握空蟲篆  
未喪斯文粗姓名草木西周朝有暮圖書東觀死猶生  
二千年後司封紉未信裁時出此情

贈裕之

向來三度見君詩常望西山有所思誰料并州天絕處  
相逢梁苑雪消時賢人樂古聲猶在聳叟文高世豈知  
只恐神嵩不留客秦川如畫渭如絲

秋懷

江山如畫衣冠盡蒲柳無  
清宮殿秋亦用此韻者也

昨夜新涼御褐裘一番節物弄清愁月懸雙杵若爲夜  
人在一隅偏覺秋敗葉只能驚畫扇啼蛩終不到朱樓  
還鄉夢斷寒衾曉依舊雲山是蔡州

和伯玉食蒿醬韻

九尺東方生不如一侏儒飲啄各有程厚薄與生俱文  
蒲及屈芟何乃淡以括正如謝三旌甘心作羊屠伊蒿  
本薪材豈足克庖厨薄雪草堂徑新霜古城隅河南地

差煖冬有不死蕪青來澗邊宮綠入几上孟微香能侶  
菊小苦賢於茶酷烈變醢醢薰醲破脂酥書生喜倒說  
食亦變精魚借問冰茶者何如羔酒乎况爾蓼彼蕭蓬  
茆固其徒偶然躡一等遽欲忘樵夫邇來歲頗饑太半  
殮在途攘肉或至犬首丘不如狐命賤祇求死計窮交  
議逋尚有紈袴兒朝夕食於株寧知掃野裨一飽不易  
圖遂令人輕生不畏鎖與鈇如君有蒿醬猶是千金軀

復次韻

五臟太多可張願託臞儒自非何曾家安得陸海俱莊  
周辛有粟不至魚肆枯何勞夷門市下車朱亥屠春韭  
與秋菘歲晚不供厨蒿腹不蒿目大方果無隅爲醬非

負口猶勝范滂蕪豈無青精飯駐顏炊一盂豈無菖蒲  
歎辟邪如神茶又豈無椒花除瘟等醑酥蒿於數品中  
頗同武官鹿數品雖異饌置之醬可乎猶材各有檢豈  
必皆吾徒公綽優為老劣於滕大夫大抵食如士取之  
非一塗君詩誌其味食經有董狐彼哉龜羹指斲棺終  
莫逋彼哉萍藿手竟死珊瑚株寧如醬以蒿不出本草  
圖蓋後人好奇一洗腥砧缺為謝饒崇鬼渠今離我軀  
又翌日又為後道所戲其意似欲  
窮吾技再為後道所戲其意似欲  
故可為炙啖博哉釋草儒柰何騷人詠不與蘭蓀俱青  
青發陳荻嫩勝穉生枯面柔似張禹氣列如申屠忽逢  
易牙口一日登君厨君兄昔在日作事太廉隅游宦三

十年不治一室蕪嘗載米之郡政如置水盂不義獲八  
珍棄之猶董茶相對話終日茗椀無塩酥見客惟恐遲  
遇飯不擇鹿無食但有名窮不亦宜乎我本寒素士外  
雪袁司徒臭味偶相似豈是敦薄夫見君食蒿醬取嘲  
於仕途和君蒿醬詩緼袍隨衣狐詩醬兩情苦此債無  
由逋蒿荻無棄材柰此蒼松株何當列劍笄一依饗禮  
圖唯聞廣庭樂不見轅門缺此日雖無醬猶堪養羸軀  
元裕之以山遊見招兼以詩四首為寄因以

山中之意仍其韻

石華政可採負我孤舟蓬胡為紅塵裏擾擾槐安宮山  
間綠蘿月一照千巖空洪崖去不返清游誰與同空餘

松根泉雜佩流無窮人心墮泥滓不如與天通舉頭視  
霄漢浩露洗心骨

日月兩角蝸天地一粒粟老盆可徑醉豈擇瓦與玉大  
笑區中人朱門丐梁肉清曉登少室日夕眺王屋紫煙  
晞我髮碧霞貯我腹溪中有白雲萬事付濯足物物愜  
幽情不獨蘭與菊

南風入桂樹高葉碧崢嶸舉手戲攀折上與雲煙撐黃  
金間白玉遍地先晶熒笙簫坐間發鸞鶴空中鳴浩  
歌山谷應起舞衣裳輕一尊石上酒如我浩氣盈目送  
飛鴻盡青雲萬里平

國風久已熄如火不再然流為玉臺詠鈿粉嬌華年政  
須洗妖冶八駿踏芝田青苔明月露碧樹涼風天塵土  
一一畫象緯昭昭懸寂寥抱玉辨爭竟搖尾憐幸有元  
公子不為常語率

許方邨即事 聯句體

披熱連許方山巔青漫漫野黃麥初割畦綠蔬繞灌村  
籬絲葉深巷樹春花亂煙長見新冶風遠聞清鍛濯衣  
女在溪販鐵人樞館墻危壘破石路黑沾遺炭山雲頃  
刻雨沙地須臾曠鐸鳴駕犢耕罩密防雞散綠餘殘繭  
挂釣罷公系貫沽酒有客賒薑李何人喚扑慘官始威  
牒煩民更玩歷險小車多逢人黥衣半縣遠肉難求山  
近寇可遣何當卜隱居尋我杖藜伴

梁山宮圖

梁山宮高高切雲秦家簫鼓空中聞宮殿作雲王作龍  
何人敢謁瀉池君珠圍翠繞窮天下道上行衣半赭  
不覺生靈血液枯化爲宮上鴛鴦瓦朝盧生暮侯生師  
事二人學美門焉知以政藏其身神仙亦死何曾神空  
能詐取六孱國不識盧生真問客種成間隙盧生去尚  
令道士作鬼語祖龍竟墮此機中以壁見欺猶未悟魚  
腥引得扛鼎來梁山火滅漢旗開何如後世丹青手一  
夫不役千樓臺梁山之圖却傳世梁山之宮安在哉

跋伯玉命簡之臨米元章楚山圖

巴東峽壁如駭霞天鑿制門當虎牙下有奔湍沉碧沙

直衝北顧如投家雲煙昏曉玄明滅朝看沃日暮吞月  
遠山如指近如奉過客那知空一瞥高人廬此恨來晚  
不厭孤蓬疊往返莫言造物好窮人許大乾坤富君眼  
以心爲鏡照諸山山如人面紛殊顏扁舟日日青山上  
青山却在滄波間人道癡兒固貪取我怪高人亦如許  
已將胷次社長江更把豪端扛巨楚齎列楓林葉浮舸  
巧促魁梧入公麼丈尋收拾無邊春千里遊邀坐中我  
自此頭吳尾甌越蠻烟五月旣入駿江山多處乃爾毒  
始信中原天下甲楚山可覽不可上水氣昏昏且多恙  
盡山縱不到真山有楚之峯無楚瘴靜明居士見山饒  
想在庵中得飽參戲呼老李臨君盡已坐君貪我更貪

秋雨小霽湖陽道中

一雨初晴菊瘁花朝來啼殺報晴鴉地鄰異域空懷古  
人對殘秋更憶家十月紅爐是明日往年新火醉流霞  
恣恣又上湖陽道何處還堪駐客槎

秋望

雲氣東南壯風煙正北長遠人投屋小寒草帶城荒馴  
鴨便秋潦飢牛背夕陽閑情儘堪畫未要雨浪浪

堂谿城南感寓

斷岸崩崖帶草長茂林高塏晚生涼田頭經水成駒卧  
雲色因風變狗蒼戰地尚餘唐壘柵故城曾入楚封疆  
牛童趁日貪捫虱那解興亡事可傷

俳優

施能賣晉移君貳旗解譏秦救陛即多少諫臣翻獲罪  
却教若輩管興七

李道人家山圖

見說高齋住太行溪山襟帶古祠堂圭桐葉落周家雨  
鐵樹根盤晉國霜烽火不堪耕夜月畫圖猶可掛殘陽  
自怜不及汾州鴈春去秋來過石梁

李道人嵩陽歸隱圖

城郭維崇井里維通冠蓋維錯紈綺維藪云誰之子招  
子歸嵩舍我箏筑樂彼潺淙食彼瓦缶遺我鼎鍾云誰  
之子繪子歸嵩離人友鹿避俗朋松石啣我足泉瘦我

隴吾恐時人笑子歸嵩有山有怪有水有龍盜出寇沒  
嘯兇咻熊吾恐狂人誑子歸嵩子謂我言決意歸嵩歸  
嵩何如如鴻避弋如鶴脫籠與幻俱化與化俱融是以歸  
嵩南山重重翠如植葱北山隆隆紺如堆銅仰嵩俛嵩  
雨濯雲烘嵩之爲我我之爲嵩我聞子言衣如張風心  
先去鳥層雲盪胸靜言思之富爲且高貴爲心蓬飾說  
于令詎知任公歸嵩良是生龜脫筒子不歸嵩送子歸  
嵩

陽夏何正卿作疊語四句未成章予復以疊  
語寄之凡四變文

緼緼蠢蠢何等民矯矯亢亢內守貞昂昂藏藏獨異俗

落落莫莫不厭貧歸與歸與且餽口鳳兮鳳兮德義久  
樂云樂云無絃琴命乎命乎一抔酒匪鱸匪鮪故爲藏  
避言避世必也狂至大至剛秣吾馬爰清爰淨修我牆  
用之捨之時所係晉如摧如寧復計煖然凄然任春秋  
優哉游哉聊卒歲紅梅

一種冰魂物已尤朱唇點注更風流歲寒未許東風管  
澹抹穠粧得自由

### 劉御史從益

從益字雲卿南山翁撫之曾孫大安元年進士拜監察  
御史坐與當路者辨曲直得罪去久之起爲萊縣令修  
學講義尊善抑惡有古良吏之風萊劇邑也兵興以來



戶減三之一田不毛者萬七千畝其歲入七萬石故在也雲卿請於大農為減一萬民賴之流亡歸者二千餘家未幾被召百姓詣臺乞留不聽入授應奉翰林文字踰月以疾卒時年四十四業人聞之以端午罷酒為位而哭且立石頌德以致哀思之心焉雲卿博學強記於經學有所得為文章長於詩五言古詩又其所長雷御史說雲卿在太學時年甚少嘗有詩云黃金錯落雲間闕紅粉高佞柳外墻時輩皆推伏之其卒以詩得名者固已見於此矣雲卿詩如荒烟斜日村晚裏柳寒蒲浦樓閣一片玉山川臨終云裏壁秋燈非夢破老梧寒雨滴愁生此類甚多不能悉載也有蓬門先生集行於世二子祁字京

叔郁字文季俱有名於時

題蕪李合畫淵明濯足圖

天機本自足人事或相須東坡畫三昧迺與龍眠俱黃州富丘壑餘杭渺江湖已困口嘲弄更堪手糊塗其來本游戲所到非功夫平生斜川翁尚友千載餘可聞不可見風標定何如笑倩李居士為予巧形模臨流想有詩滄浪元非漁不入聲利場政恐吾足污二公有深意百年留此圖不着色塵相澹然如游天地初主人牢絨滕丹青有渝此不渝

過尉氏懷阮籍

朝來國門遊暮抵蓬池宿有懷阮步兵豪氣無檢束嘯

歌陟高臺長風振林木老眼何曾青四海無一物萬古  
留詩名九原消醉骨居然方丈家惜也微瑕玉塗窮道  
不窮先生安用哭

泛舟回瀾亭坐中作

昔年醉回瀾猶恨身屬官今年邂逅來身與亭俱閑洗  
心亭下水照眼亭西山溪山如故人喜我復來還有酒  
澆我曾有花怡我顏講鷹乍脫臂但覺天地寬山陰忽  
回舫夜闌情未闌

樂山松

樂山一何崇上有千歲松清孤月露底秀技天地中蒲  
柳抱常質桃李開芳容爭如十八公笑傲冰霜風居然  
喜避世不肯污秦封蟠如北海螭伏如南陽龍紛紛過  
者多匠石終不逢明堂幾時構喚起蒼髯翁

和淵明雜詩

俗士苦紛競此心本無塵功名廼外物了不關吾身吾  
身復何有形神假相親天地開一室日月挾兩鄰有生  
即有化如是之必晨但得酒中了亦足稱達人揮戈欲  
却日小力自不量何如任天運閉門坐齋芳詩書列四  
隅着我於中央夏臥北窓風隆冬曝朝陽但有藜藿羹  
亦足充飢腸

少為飢所驅老為病所迫人生能幾何東阡復南陌急  
須沽酒來一笑舉太白浩歌草木振起舞天地窄同歡

二三子誰主復誰客浮沉大浪中畢竟歸真宅歲月去  
何速老炎變新涼游子久不歸回首望大梁風埃慘如  
此何處真吾鄉野菊明落日林楓染飛霜勸我一杯酒  
悠然秋興長

和淵明始春懷田舍

家食自不惡菽水甘清貧學道未有得讀書亦良勤雖  
勤竟何補俛首愧古人靜言閱世故來者日月新况復  
抱沉疴百憂無一忻安得衛生訣益我華池津况如一  
夢覺不與萬法鄰野人借問我恐是劉遺民

和淵明飲酒韻

日入了公事援琴洗塵喧秋堂一燈明清響到夜偏彈  
罷枕書臥渺然夢青山山英向我問君駕何時還家僅  
忽喚覺惆悵不能言

臘日次幽居韻

世務方擾擾人生何營營不如不出門坐願天地情泰  
中有否來陰極即陽生掀髯一笑起窗外風鐸鳴看雲  
偶獨立踏雪時閑行最愛朝日外負暄向南榮

歲除夕次東坡守歲韻

人生都百年誰問鬪龜蛇容顏鏡中換老醜不可遮殷  
勤守此歲來歲復如何南鄰祭竈喧北里驅儻譁須臾  
罷無爲但聽樓鼓過明朝四十過暮景真易斜初心自  
憶慨白首還蹉跎寄語少年子雖健不足誇

次韻別歲

一日復一月其來不肯遲一冬復一春既去誰能追問  
歲果安往惜不知津涯常於歲除夕知是相別時鄰翁  
慣禮錢買酒烹鮮肥百挽不得留一別那須悲年年例  
如此華髮吾何辭惟有學道心自覺老不衰

次韻魏歲

親朋餉無時鄰里歡有佐况當歲之終可以具百貨禮  
意各示勤手段不妨大我貧無往還閉戶但高卧蒸羹  
且充腸瓊味不登坐猶勝許文休衣食出馬磨自非揚  
子雲載酒何人過空吟魏歲詩自歌還自和

清明即事用前韻

一度清明了一年溫風嫋嫋雨班班幾家繡憶尋芳去  
何處蹇驢馱醉還宿草新墳驚世短落花流水占春閑  
曉鷺啼破松窓夢缺月東南掛屋山

五月十四夜對月有感

世事易隨雲變滅人生難保月團圓淮陽旅舍三年夢  
河朔風聲五月寒何處雲山端可老向來天地為誰寬  
宦游脚底生荆棘蜀道而今却不難

再過郟城示伯玉知幾

三年兩度過激陽鞍馬紅塵道路長花月不應知我老  
溪山也解笑人忙朔風凜凜頻驚坐夜雨蕭蕭偶對床  
他日水南營葬地愧無遺愛在桐鄉

次韻閑閑公夢歸

眉間喜色幾時黃  
蒲貯羈愁着瘦腸  
萬里鄉關飛不到  
十年歧路走空忙  
歪心蘸月松梢影  
鼻觀通風栢子香  
最愛南山舊山色  
夢中相覓不相忘

題閑閑公夢歸詩後用叔通韻

學道幾人知道味  
謀生底物是生涯  
莊周枕上非真蝶  
樂廣杯中亦假蛇  
身後功名半張帟  
夜來鼓吹一池蛙  
夢間說夢重重夢  
家外忘家處處家

送儀提點西歸

自斷平生不問天  
拂衣歸去任吾年  
五侯鯖鮑無多味  
九老圖成一傳回  
回首京華瞻日遠  
放懷鄉社得天全

綸巾醉臥咸陽市  
始信人間有散仙

再賡

人定端能坐勝天  
刀圭有力制頽年  
道非出世頭頭是  
丹不遺經口口傳  
陰魄沉迷終鬼錄  
陽精飛鍊即神全  
三山縹緲誰能到  
目下身安亦是仙

次韻李公度

餅有儲糧鬢有絲  
蹉跎歲晚坐書癡  
輞川畫隱王摩詰  
錦里詩窮杜拾遺  
應舉尚陪新進士  
主文半是舊相知  
春闈看決魚龍陣  
未必尖錐勝鈍推

題無盡藏

梁斗南所藏畫

誰開天地秘密藏  
今古人間用不窮  
眼尾搖光千丈月

耳根傳響一溪風勝游赤壁文章在高臥燕山氣象同  
二老風流渺何許後生猶可畫圖中

三弟手植瓢材且有詩予亦戲作

為愛胡盧手自我弱條柔蔓漸繁回素花飄後初成實  
碧蔭濃時可數枚試問老禪藤綴去何如游子杖挑來  
早知瓠落終無用只合江湖養不才

次韻三弟贈南庵老人

一庵礫礪勝巢仙不入叢林恰是禪花圍蓮塘閑打景  
粥盂齋鉢老隨緣忘言已了八千偈適意更揮三兩絃  
邂逅我來推不去坐分一半好風煙

次韻劉少宣

旅窻蝶夢曉驚回默數流年祇自哀與世迂踈甘袖手  
及身強健且銜杯桐彫翠葉看看盡菊著黃花旋旋開  
杖履南庵訪幽事秋光蒲眼送詩來

酬李子遷

曾著朱衣侍冕旒忽乘羸馬出皇州青山有約携琴往  
白髮無成把鏡羞却笑張儀誇舌在不妨巢父有詩留  
柳湖莎徑東南夢又見兒童迂細侯

過涓川次侯生君澤韻

誰能孤憤效韓非且喜玄微對鏡機出得山來無遠志  
寄將書去有當歸閑居已判平生了真賞從教舉世稀  
日咀道腴深有味更須口腹事甘肥

聞菴用少陵韻

唧唧不堪聞村居更惱人青衫傷久客華髮念雙親歲  
莫那逢雨秋宵未向晨石心猶可轉百感本來真

除夕用少陵韻

窻送迢迢漏燈開艷艷花正愁聞過雁久客羨栖鴉放  
眼春猶好驚心日又斜一蓑江上雨歸思浩無涯

即事

臥疾劉公幹躬耕鄭子真溪山留好客天地許閑人花  
醉紅沾袖松吟翠繞身捫心無所歎持此壽吾親

宋樓道中

十里羊腸路詰盤過花穿柳幾迴還馬頭忽轉青林角

綠繞人家水一灣

過武丁廟

早則為霖水則舟若人端合夢中求荆王枕上陽臺雨  
板築英雄老死休

戲荅侯威卿覓墨

萬松火厄化緇塵依舊徂徠雪裏春令劑香螺夔一足  
破慳分與畫眉人言中取張遇墨燒火去膠以之畫眉

北園

碧梧斜影落胡床白葛烏巾滿意涼宴坐不知紅日晚  
笋輿歸路麥花香

宋內翰九嘉

九嘉字飛卿夏津人黃裳榜進士乙科歷藍田高陵扶  
風三水四縣令皆有能聲入為右警巡使應奉翰林文  
字正大中病失音廢居歿於癸巳之禍嘗有詩云浩歌  
風露下醉袖拂南山又題壽安煙霞亭云粧臺土壁紅  
千點界畫銀沙綠一鈎其才藻可略見矣

途中書事三首

幼穉扶輪婦挽轅連顛翁媪抱諸孫飢民羸卒如流水  
握盡原頭野薺根

老穉扶携訪熟鄉驛塵滿路矚相望終朝拾穗不盈把  
只有流民如麥芒

攘絲奪麥人爭略烘日吹風天有年湯餅元非小人腹

蠶絲都作大夫賢

館中納涼書事

涼洒塵纓曠耳醒虛堂窈窕好風清雀知愛子來迴哺  
鼠不畏人旁午行每用熟眠酬閒寂端知固有享高明  
宦游非不佳官府奔走塵勞漫一生

東州有感

東城衰草沒黃沙故壘周遭小范衙牧豎那知真老子  
龜趺繫馬臥吹笳

搗金明若作建除體

建牙誓諸將梟鳴軍盡驚除道非戰事街枚幻竒兵蒲  
鎧霜日輝行陣寂無聲平旦飛出谷桑棗蔽金明定知



此陳迹中原遮寇城執鞭吾不及范公凜如生破碑字  
仍在巔巔卧深荆危襟按其壘信哉天下英成敗翻覆  
手狐兔今橫行收復會有時夷吾當請纓開圖睨督亢  
按劍逐長鯨閉塞亦已久一揮氛曠清

被檄從軍

不巾不襪柳陰行朝醉南村暮北庄一旦捉將官裏去  
直駟盲馬陣中央即所乘盲馬而言

留別孫俊民姚公茂

草根殘日射離觴主席風生熱肺腸此去堯零紅照夜  
輸君吹笛傍糟床

醪醪菊

醪醪風味醺人醉着莫東籬愛酒翁一夜金英全換骨

冷香晴雪蒲秋風

蓮社圖

野鷺家雞俗好乖虎溪泉石蒲塵埃壯哉砥柱顏波裏  
惟有淵明挽不來淵明不喜佛法自言平生有三恨一恨  
恨無佛老之說不出於孔氏前二恨一恨  
恨無酒三恨大才而攻異端淵明挽不  
來之句蓋自釋心

卯酒

膾蟻初浮杜蕊菊宿醒正渴卯時投醉鄉兀兀陶陶裏  
底是形骸底是愁

雷御史淵

淵字希顏別字李默同知北京路轉運使事思之季子

宗慶二年黃裳榜進士甲科釋褐涇州錄事徐州觀察判官召為荆王府文學兼記室叅軍轉應奉翰林文字同知制誥兼國史院編修官拜監察御史以公事免用宰相侯革卿薦除太學博士還應奉終于翰林修撰初在東平東平河朔重兵處也驕將悍卒倚外寇為重自行臺以下皆務為摩拊之希顏蒞官自律者甚嚴出入軍中偃然不為屈不數月間巷間家有希顏畫像雖大將亦不敢以新進書生遇之嘗為戶部高尚書所辟權遂平縣事時年少氣銳擊豪右發姦伏一縣畏之稱為神明及以御史巡行河南百姓相傳雷御史至豪猾望風遁去正大庚寅倒迴谷之役希顏上書破朝臣孤注

之論引援深切灼然易見而主兵者沮之策為不行至今以願望為當國者之恨希顏三歲喪父七歲養於諸兄年十四五貧無以為資乃以胄子入國學便能自樹立如成人不二十游公卿間太學諸人莫敢與之齒渡河後學益博文益奇名益重為人軀幹雄偉稱張口哆顏渥丹眼如望羊遇不平則疾惡之氣見於顏間或嚼齒大罵不休雖痛自摧折然倅亦不能變也生平慕田疇陳元龍之為人而人亦以古人期之故雖以文章見稱在希顏仍為餘事耳

雲卿父子有宛丘之行作二詩為餞

陽春到上林百卉紛白紅岸谷稍敷腴溪光亦冲融獨

有石間栢不落鼓舞中期君如此木歲晚延清風  
漢庭議論學傾耳待欲向君家賢父子千載蔚相望讀  
書二十年閉戶自師匠異端絀偏雜陳言刊猥釀剛全  
百鍊餘氣出諸老上頽風正波靡去去作隄障

京叔將拜掃于陳徵言為贈老嬾廢學茫無  
所得獨記其與屏山雲卿襟期所在者非以

為詩也

梁苑池塘生綠煙吹臺草色春芊芊故人幽扃閉長眠  
氣槩英英猶眼前陽春無力蘇重泉孝子感時涕泗漣  
漣歸掃淮陽阡徵予贈別意拳拳我自頑頓須人鑄  
安能視後輒子鞭姬情孔意星日懸幹旋萬化中持權

斯文興喪實関天尋常墨客技藝然鑿巫星曆相比肩  
何用雕琢空徂年即今海縣謾腥膻獨挽洙泗可洗湔  
迺公有志屏山賢二豪在日予牽連傷哉未售墳已顛  
老我欲種南山田子之兄弟其周旋事業絕勝空言傳

同裕之欽叔分韻得莫論二字

幼安謝辟命子雲老寂寞趨嚮豈獨異時命非所度我  
久困流離一屢求負郭雖無斬敵功尚舉力田爵崧少  
啓吾封四履盡伊洛有客來問津醉眼入寥廓世事久  
閉眼終日只睡昏清風何處來佳客已在門倒屣往從之  
玉色向我溫妻孥趣作具歡喜傾瓶盆清夜襍被往共  
就遺山元嘲譎及俳語發揮間微言懸斷漏天樞高嘯

驚鄰垣昭合政相和意到俄孤騫恨不倒困廩矧肯留  
籬樊弃屬獲珠玉披榛見蘭蓀我肱已三折醉墮偶全  
渾知無適俗韻量力任灌園二君清廟器巾屨華鬢尊  
蒼生望休息朝廷待崇尊出處既異途會合難預論此  
樂未易得此夕勿憚煩白酒舉初子黃雞溷諸孫水樂  
喧後部山驪秀前軒一醉萬事休商聲滿乾坤

會善寺怪松

物生自有常怪特物之病嗟嗟此老蒼怪怪生魁柄侏  
儒蹙髀股宿瘤擁腮頭蜿蜒蛟龍戲騰擲驅虎競須臾  
喜張磔意氣怒狂逆一丘石求揀楹節目足譏評芻蕘急  
薪樵堅悍空眈瞪靜言觀倚伏未易相吊慶雖違時世  
用顧免斤斧橫陽秋莫榮悴歲月何究竟盤盤曲則全挺  
挺獨也正小草悞掃迹伏神還守性儻隨天中景廣宇  
共麻映

玉華山中同裕之分韻送欽叔得歸字

洗耳潁川水療飢西山薇山川得佳客草木生光輝未  
路風教薄此道日已微相期千載事非君誰與歸

九日登少室絕頂同裕之分韻得蘿字

閑居愛重九佳人重相過登高酬節物少室鬱嵒差我迹  
遷謝塵土夷猶出煙蘿歛如據鰲頭萬壑俯蜂窩浩浩  
跨積風瀾瀾渺長河日車具紅輪天宇疑蒼波指點數  
齊州始覺氛埃多我無倚天劍有淚空滂池驚鱗鱗與

渚倦翼占危柯悔不與家來結茅老巖阿歸途睠老阮  
廣武意如何

月下全飛伯觀畦丁灌園得畦字

村居鄰老圃喘汗憫夏畦輓轡健晚涼月輪轉天蹊剡  
剡金融溝洧消冰泮溪黃萎漸蘇息綠潤俄凄迷生意  
續夜氣甘滋浹新蕙風露觸處香河漢望中伍野人無  
遠謀且喜豐食鮭雖愧下帷董稍悟養生菘歸懷自浩  
然流光挹平西

濟南珍珠泉

大地萬寶藏玄冥不敢私抉開青玉鐔渾渾流珠璣輕  
明疑夜光潔白真摩尼風吹忽脫串日射俄生輝有時

如少靳鬻沸却纍纍風色媚一川老蚌初未知君看一  
日間巧歷所不賁遊人隨意滿不畀乾沒兒吾謂歷下  
城繁華富瑰竒貪夫死專利帝意怜其癡故露連城珍  
可玩不可幾若曰天壤間所遇皆汝資何必秘篋筭自  
貽伊瑕疵詩成一大笑臆說量天機

讀孔北海傳

漢室風流絕建安老瞞父子力排山可憐魯國真男子  
也着區區七子間

賦侯相公雲溪

相君襟度本汪洋戲鑿陂池便渺茫解起晴雲作霖雨更  
邀明月貯清光千重複嶺藏仙境萬斛香泉釀醉鄉畢

竟麟符拋不得煙波空效五湖蒼

贈陳司諫正叔

洗兵有志挽天河補袞剛留諫諍坡賦出石腸還婉麗  
政成鐵面却中和寒侵桃李淒無色雪壓池塘慘不波  
急手尊前謀一醉六街塵土沈人多

濟南汎舟水底見山有感而作

南山已在風塵外更恐飛埃浣碧巔一棹晚涼波底看  
浴沂面目本天然

洛陽同裕之欽叔賦

日上煙花一片紅崧却西峙洛川東纔聞候騎傳青蓋  
又見牽羊出絳宮事去閔河不橫草秋來陵寢但飛蓬

書生不柰興亡恨斗酒聊澆碑石骨

啓母石同裕之賦

千古崩崖一罅開強將神怪附郊禰無情頑石猶胎謗  
具錦從為巷伯哀

贈荅麻信之并序

麻弟避兵渡河徑謁裕之于崧高夤緣一見相與之意  
甚厚既留數日又將過吾景玄于女儿之陰維元劉國  
士也而弟游於其間則弟之為人可知已臨行復長歌  
相贈清平豐融蓋他日未易量也愛養不足詩以誦之  
五老英靈未陸沉一枝高秀出詞林珪璋自是清朝器  
律呂偏諧治世音此去文章足知已後來功用只齋心

濟時相約元劉了索我雲山深復深

雪

風定雲仍煖天園四顧伍紛紛俄攪野浩浩欲平溪  
樵檐歸時重漁舟望處迷飢鴉空繞樹若箇可安棲

宮鴉

萬樹瓊芳鎖漢宮群鴉容與五雲中曙光先背朝陽日  
春信頻呼禁籞風青鬢巧梳欣一色秀眉學畫闥新工  
鳳樓未訝啼聲切愁滿長門信未通

洮石硯

緹囊深復有滄洲文石春融翠欲流退筆成丘竟何益  
乘時真欲礪吳鉤

馬上見桃花

見衢鞍馬苦塵腥忽見溪桃倦意醒未必施朱便鹿俗  
最憐滌露出娉婷城東詩老圖幽絕水上仙郎記芴冥  
何似玉堂留故事賣花檐上有丹青

叔獻兄歸隱崧山有詩見及依韻奉寄

幾百千年一敬通飄飄歸袂振孤風平生自處神明在  
衰俗無從議論公韶削向來儀彩鳳弋繒何苦慕冥鴻  
他年杖履相尋處三十六峯雲霧中

劉御史雲卿挽詞二首

氣幹參天擬萬尋聖門梁棟自堪任豸冠岳岳鋒稜峻  
鳧鳥翩翩惠愛深可忍佳城玉埋土最哀慈幄血霑襟

傳家賴有雙珠在不爾何如慰士林

少同里閨早知音投分交情兩舊今鄉校聯裾春誦學  
上庠連榻夜論心南山松挂愁霜殞北地乾坤恨日侵  
不得生芻躬一奠西風吹淚滿衣襟

題黃華江臯烟樹二首

踈柳靜茅亭亭下長江路不見亭中人蕭蕭烟景莫  
江山萬里眼一亭略約之黃華未死在春取畫中詩

送李執剛致仕歸洛

漕計中興屬老成引年陳請獨崢嶸果能辨此公真勇  
愛莫留之我愴情塵空恐驚黃鵠舉烟波不負白鷗盟  
洛陽去去春如錦晝日神仙看地行

梨花得紅字

雪作肌膚玉作容不將妖艷嫁東風梅魂何物三春在  
桃臉真成一笑空兩細無情添寂寞無情月明有意  
助豐融有意助亦相如病渴妨文賦想像甘寒結小紅

河山形勝圖

高峯巨壑與天連中國關防表裏全北岸塵氛重回首  
不如圖上看風煙

次裕之韻兼及景玄弟

名腸相炊半成灰戰退紛華旆始迴文字喜逢修月手  
津梁愧乏濟川材等閑有酒輒共醉信口俄詩不置才  
最憶平生劉子駿紫芝可惜不偕來



愛詩李道人若愚崧陽歸隱圖

我家崧前九再著詩僧騷客相追隨春葩繽紛香澗谷  
夏泉噴薄清心脾霜林置酒曳錦障雪嶺探梅登玉螭  
重陽夜宿太平頂天鷄夜半鳴嗷咿整冠東望見日出  
金輪湧海光陸離神州赤縣入指顧風埃未靖空噓歎  
窮探極覽不知老泉石佳處多留題簡書駢出踏朝市  
期會迫窄愁鞭笞襟懷塵土少清夢齒頰棘荆真白癡  
叩門剝啄者誰子道人面有熊豹姿披圖二室忽當眼  
貫珠編具多文辭我離山久詩筆退墓寫豈復能清奇  
再三要素不忍拒依依但記經行時道人愛山復愛詩  
嗜好成癖未易醫山中詩友莫相厭遠勝薰醅聲利乾

沒兒

李右司獻能

獻能字欽叔河中人年二十一以省元賜弟廷試第一  
人宏詞優等授應奉翰林文字在翰苑凡十年出為鄜  
州觀察判官用薦者復應奉俄遷脩撰以鎮南軍節度  
副使充河中經歷正大八年河中陷獨得一舩走陝州  
被召以道梗不能赴就權陝府行省左右司郎中軍變  
遇禍欽叔資稟明敏博聞強記輩流中少見其比為人  
誠實樂易洞見肺腑世間狡獪變詐纖悉無不知然羞  
之為不道也與人交不立崖岸盃酒相然諾赴難解紛  
不自顧藉雖小書生以愛兄之道來亦殷勤接納傾筐

倒皮無復餘地時輩以此歸之家故饒財盡於貞祐之  
亂京師冷官食貧口衆無以自資太夫人素豪侈厚於  
自奉小不如意則有金魚墮地之譴人視之殆不堪其  
憂而欽叔處之自若也欽叔文章行業過人處甚多而  
天下獨以其純孝為不可及云

贈王飛伯雜言一首

東風吹客衣敗絮逐風飛曉雪沒寒薺無物充朝飢空  
篋嘖嘖號飢鼠饕虱蠕蠕緣破袴人生豈是犬與鷄終  
歲區區守門戶游說萬乘苦不早儀秦殆是穿窬盜六  
國印千金車滿眼榮華鏡中老孔子聘列國孟軻游齊  
梁能令千載後名與日月光男兒生世不虛生死恨身

後無聲名不然鳴玉游紫京不然著書談六經九日可  
射天可補鞭笞百蠻作降虜離騷一篇亦不惡雄筆盤  
盤映千古君不見彩鳳翔丹霄一鳴應九韶寸雲起太  
山霖雨滿人間丈夫窮達果在天安用兒女得志相歎  
羨失志相悲伶仰天大笑出門去四海今誰魯仲連

夜宿虛皇閣下

倚天青壁截雲霞一水高懸界削瓜不惜玲玕攀石磴  
要看絢爛圻雲華玉峯影裏虛皇閣鐵笛聲中祕監家  
明日川塗入塵土却應平地幾袞斜

玉華谷同希顏裕之分韻得秋字

玉龍落峽噴飛沉空翠霏霏晚不收軟脚山堂一壺酒

暮涼閑對兩峯秋

四皓圖

弋繒安足致冥鴻自是蕪懷翊贊功  
謾說壺闕有遺老聖恩臺上已秋風

二老雪行圖二首

自笑膠膠擾擾身十年疋馬走紅塵  
何時雪滿平生履太華峯前約故人  
抱琴衝雪又衝風二老風流阿睹中  
未似村翁眇抹眼火爐頭上話年豐

別馮駕之

東風弄微寒吹雪作輕陰春歸未得歸  
愁攬客子心與

君俱異縣那復重分襟感時復恨別  
老懷苦難任憶昨滎陽會燈火語夜深  
縱談閑排語浩歌雜狂吟相期梁宋  
游感君肯相尋西園偶差池市樓成  
孤斟相逢洧水湄暫爾成盍簪燕鴻還  
別去又復如商參我行落日邊疋馬  
獨登臨君方無定在倦翼思茂林八  
堪幾回別老境各駸駸洧水不西流  
雙魚定沉沉幸有西飛鴻無吝金玉音

昆陽元夜南寺小集

春臯短短生蘭芽東風嫋嫋吹芳華  
暗黃着柳小梅素月姊新年恰十五  
東皇太一來翩翩竹宮神光祀甘泉  
茂陵芳劍沒秋草鳳燈煌煌空自然  
當年曼衍魚龍舞

回頭昭陽化飛土昆陽客舍冷于冰破殿蕭條佛燈古  
雪消梁苑想春紅車如流水馬游龍銀罇載酒隨春風  
酒酣一嚼百盃空韶華過眼弦上箭人生得酒從歡醺  
北斗闌干夜參半耿耿踈星淡河漢

追憶穎亭泛舟寄陽翟諸友

十月冬氣寒清霜殞群木輕舟泛穎水微風吹野服信  
流不知還石艇橫老玉苔花錦爛班懸溜珠麗寂頗離  
塵市雜倒瀉軒裳俗歲月今幾何春草萋以綠懷歸劇  
飢渴仰羨雙飛鵠矯首九山雲迢迢傷遠目

郊城秋夜懷李仁鄉

日入群動息暝色陰濛濛故人隔穎水娟娟生秋風輕

風捲纖雲碧漢磨青銅坐久襟袖涼皎月升天東伊人  
如此月霽色羅心宵可望不可親修已駕飛鴻念此太  
虛間心交神自通而况千里月相望寧不同孤光透薄  
帷儼如接音容翻翻繞枝鵲唧唧侵堦蛩上床轉不寐  
高樓待晨鍾相思夜何永月落秋床空

題飛伯詩囊飛伯以布為囊采當世名卿詩

投其中

穎露毛錐祗自賢智如樗腹但求全迂踈差似淵才富  
羞澁猶無杜老錢收拾珠璣三萬斛貯儲風月一千篇  
嘔心大勝奚奴錦要與風人被管絃

送王飛伯歸陽翟

故舊相望似曉星平生懷抱向君傾  
朱絲不入纂箏耳彩鳳終儀韶  
濩聲三楚迢迢動離思九山落落助高情  
一廬擬就隆中卧要子同躬壠上耕

西園春日

的皪冰稍出短墻泓澄煖綠靜橫塘  
娟娟高竹迎人翠嫋嫋長紅隔水香  
病起心情踈酒酸朝來風色如年芳  
只應歸去芸窓晚夢到湘妃錦瑟傍

滎陽古城登覽寄裕之

突兀高臺上古城登臨人境兩崢嶸  
關河落日歲云暮草木臨風氣未平  
虎擲龍拏王伯事天荒地老古今情  
一盃欲洗興亡恨為喚窮途阮步兵

從獵口號四首

蓮燭金紗簇簇齊宮槐籠曉尚淒迷  
景陽鐘罷聽殘漏萬馬銜霜不敢嘶

間闔傳符啓九關一聲清蹕駐南山  
虎賁先導三千士天馬初離十二閑

爛爛龍旂捧日旂從臣遙認赭紅衣  
天王清曉親孤矢初合今冬第一圍

的皪金龜墮曉星晴天霹靂應弦聲  
風毛雨血燕雲在未要草間狐兔驚

上清宮梅同座主閑閑公賦

厭住盧家白玉堂琳宮瀟灑占年芳  
光生琪樹風霜古

影占銀潢月露涼物外根株本仙種世間紅紫避嚴粧  
遨頭詞伯今何遜一笑詩成字字香

丹陽觀竹宮中移賜

素士如林待紫青紫青新許住蓬瀛娟娟粉節霜勻出  
轟轟煙梢玉削成福地根莖蒙化育中天雨露借恩榮  
綠章封事朝來奏又聽風前彩鳳鳴

王右司渥

渥字仲澤以字行興定二年進士調管州司候不赴壽  
州防禦使邦獻商州防禦使國器武勝節度庭玉愛其  
才連辟三府經歷官在軍中凡十年舉寧陵令未赴丁  
太夫人憂廬墓三年服除復授寧陵正大七年朝廷與

宋人議和擇可為行人者仲澤以才選九拜至揚州制  
司宋人愛其才有中州豪士之目使還以寧陵課最遷  
一官入為尚書省掾三月即授太學助教充樞密院經  
歷官八年院廢權右司郎中中牟失利不知所終仲澤  
博通經史有文采善談論工書法妙于琴事詩其專門  
之學人物楚楚若素宦于朝吏事則與真京父相上下  
其辨博又屏山所許天下談士三人之一也嘗與予行  
內鄉山中馬上賦詩云霜風十月餘千山錦嶂嶸又九  
日登穎亭見寄云茫茫襄城野歲晏多風埃野田半已  
荒草蟲鳴更哀西風吹白雲大隗安在哉七聖之所迷  
而我胡為來我本林野人初無經世材失身鞍馬間坐

令雙鬢催安得元紫芝共舉重陽杯詩成西北望九山  
鬱崔嵬此詩脫遺處不復能記憶讀之尚可以見斯人  
宵懷之髣髴仲澤類上詩不才被棄誰為福拙計無營  
却似高是處青山可埋骨誰家白酒不消  
憂夕陽轉屋卧林影急雨  
慶橋喧水聲人喜傳之

頽亭

三載西湖阻勝遊頽亭聊喜散羈愁九山西絡煙霞去  
一水南吞澗壑流賓主唱酬空翠琰干戈橫絕自滄洲  
忽忽足馬從軍去慚媿煙波萬里鷗

有寄

十年鐵馬暗京華客子飄零處處家征鴈久踈河朔信  
小梅重見汝南花樓樓活計依簷雀冉冉年光赴壑蛇

舊雨故人應念我不來聯句夜前茶

寄京父

憶昔相從在寢丘城南城北縱歡遊杏花聯句香隨馬  
野水添杯浪拍舟邂逅又成三月別飄零合負一春愁  
汝陽淮甸經行徧應有新詩為我留

餐秀軒

秋風幾日搖霜撼秋色南山兩竒絕野人窓戶終日開  
要看千秋秦嶺雪層崖深谷相吐吞落日白鹿東南奔  
野花雙塔古蘭若樓觀縹渺湮霞昏玉山生玉人不識  
草木四時空好色輞川舊與藍橋通細水至今流石室  
一川黃蕪長安秋望望不見令人愁書生不是濟時具

收得閑身成此遊主人開筵留客醉山雨多情濕征袂  
明朝騎馬上七盤迴首山家但空翠

遊藍田

甲申之秋月建成我行商顏正落木山英似與行子期  
撥霧披雲到山腹古潭千丈照錦峰下有蟄龍上棲鵠  
高風吹雪已多時熊耳雙尖寒欲縮新乘一水出龍渦  
驚見千峰遮木榭南山秀拔北山雄劔戟森然對群玉  
崎嶇直過藍田西始見商山真面目候真峽口忽中斷  
天未脩眉畫濃綠此峽何年得此名曾有金仙構華屋  
西巖石室懸細水萬斛瓊珠輪輞谷行人尚說有七盤  
瘦馬已愁疲百曲風門放眼望秦川擾擾更嗟塵界踣

去年游騎渡葭蘆萬里橫行如鬼速灞陵原下馬飲血  
太華峰頭虎擇肉今年九月未防秋始見登場有新穀  
一鞭暮指古招提踈雨有情留客宿主人聞客喜相接  
尊酒笑談如昔夙蹇予懶散本真性臨水登山此生足  
一行作吏志益遠十載從軍雙鬢秃官家後日鑄五兵  
便擬買牛耕白鹿

送裕之還嵩山

高懷不受簿書侵清潁鷗盟欲重尋老去宦情知我薄  
閑來道念見君深對床夜雨他年夢滿馬西風此日心  
嵩頂勝游誰得共仙聞仙馭待知音

未句用古  
仙人詩語

古仙人辭今附於此



夢入雲山宮闕幽，鸞鶴同侶駕鳳流。桂月竟夜光不收，  
世俗擾擾成囂。秋醉飛星馭鞭金虬，八仙浪迹追真游。  
龜玉筌蹄二十秋，摩霄注壑須人求。覓劍如或笑刻舟，  
陽燧非無角綺儔。元鼎以來虛崑丘，東井徒勞冠帶修。  
松飡竹飲度蜃樓，崧頂坐嘯垂直鉤。祇應慚愧劉幽州，  
知音者無與定庚辰夏六月望，予與河南元好問、趙郡  
李獻能同游王華谷。又將歷崧前諸刹，因憇於少姨廟。  
元周行廊廡得古仙人詞於壁間，然其首章直屋漏雨  
為所漫剝，殆不能辨。乃磴木石而上，拂拭汙滌，迫視者  
久之，始可完讀。觀其體則拍梁事，則終始二漢字畫，在  
鍾王之間。東井又元鼎所都，幽州必賢宗子虞也。夫春

春不忘幽州者，非吾田疇尚誰歟？田復所事之讎，却曹  
瞞之賞，衰俗波蕩中，挺挺有烈丈夫風氣。其死而不忘，  
蓋無疑其能道此語亦無疑觀者不應以文體古今之  
變而疑仙語也。噫！仙山靈岳宜有闕衍博大之真人往  
來乎其間，而世人莫之識也。予三人者，乃今見之。夫豈  
偶然哉！再拜留跡以附知音者。末渾源雷淵題此詩為  
仙語無疑，然直謂曰疇則似亦未安。屏山李純甫題。

遊丹霞下院同裕之鼎玉分得留字

霜落豐山白水收，歲華全在竹園頭。賦詩鞍馬慚真賞，  
載酒林泉阻勝游。野色自隨人意遠，夕陽應為鳥聲留。  
仙源回首旌旗隔，一笛西風喚客愁。

冊霞下寺土人  
付園頭名之

驛口橋看白蓮

陰陰喬木障晴暉的的冰蕖照碧漪秋暑困人仍御扇  
晚風生竹却添衣百年蓬鬢關心切千里尊羹與願違  
杖屨頗來約他日不妨先築釣漁磯

蒙城縣齋

穀雨連朝沒麥場官糧未入長官忙堦庭有雨青鞋鬧  
牢戶無人白日長

三門津

層崖摩蒼穹四月號陰風大河三門險神禹萬世功他  
山亦崔嵬砥柱獨尊雄雷霆日闢擊悍暴愁天公劉侯  
智有餘始令舟楫通仍餘石上穴飛梭曾連空暹瞻白

王枝挺植丹竈中仙公去不返此事真冥蒙夫人與鼓  
崖怪幻尤難窮獨喜兵火餘巋然出新宮當時疏鑿意  
四海要會同誰知千歲後築壘防嘯兇詩成一大笑浩  
浩洪波東

披檄再至揚州制司驛亭有題詩譏予和事  
不成者云來往二年無一事青山也解笑行  
人因為解嘲

二年奔走道途間知被青山笑往還只向江南南岸老  
行人應更笑青山

冀都事禹錫

禹錫字京父龍山人崇慶二年進士調沉丘簿與縣令

者不相能及令以賊敗疑京父發之乃賂遺權貴誣京  
父以賓客依託之事坐廢十年朝臣薦其才者積數十  
人終為銓曹所礙居襄邑部使者起之攝旁近諸縣所  
至有父母之愛農司治許昌又為主事區處餽餉上下  
千餘里不露聲迹而條畫次第皆具雖鱗雜米蓋若不  
足經意者問之即應如指諸掌一時吏如康伯祿李欽  
止諸人多自以為不及也正大中當路諸公極力辨其  
被誣乃得以常調守扶風丞召補省掾不就歸德奏  
充知事及城被攻京父為經歷官守禦之策一府倚重  
之車駕至授左右司都事兼應奉翰林文字官奴之變  
家人勸京父羸服免禍不從人有自外至者京父問賊  
入禁中否曰禁中賊滿矣乃自投水中在京師時希顏  
仲澤欽叔京父相得甚歡升堂拜親有昆弟之義而不  
肖徒以文字之故得幸諸公間希長子六歲澤長四歲  
欽與京少予二歲希歿於正大辛卯之八月年四十八  
澤沒于明年之七月年四十七欽歿于其年十一月年  
四十一歲京沒于又明年之三月年四十二蓋不二三  
年而五人者惟不肖在耳今日錄諸君子詩感念平昔  
不覺流涕之被面也

僧房

上方樓觀袂衣寒霜後川原眼界寬我是禪房未歸客  
阿師休作長官看

贈雷御史兼及松庵馮文

平生疾惡如風手力振臺綱事所難人道千鈞羞射鼠  
我怜衆煦解漂山明時士論知無負晚歲交盟豈易寒  
見說嵩前茹芝老白雲倚杖待君還

中州已集卷終

程